



Broj: S1 2 K 002919 10 Ko
(veza predmet broj: X-K-10/918-1)
Sarajevo, 15.10.2010 godine

U I M E B O S N E I H E R C E G O V I N E

Sud Bosne i Hercegovine, sudija Marijanović Anđelko, kao sudija za prethodno saslušanje, uz sudjelovanje pravnog savjetnika-asistenta Gadžo Mirele, kao zapisničara, u krivičnom predmetu protiv optuženih Husarić Elvira i Smajlović Nermina, zbog krivičnog djela neovlašteni promet opojnim drogama iz člana 195. stav 2. u vezi stava 1. Krivičnog zakona Bosne i Hercegovine (KZ BiH), povodom optužnice Tužilaštva Bosne i Hercegovine, broj: KT-539/09 od 03.08.2010. godine, potvrđena dana 20.08.2010. godine, nakon održanog ročišta za izricanje krivično pravne sankcije na osnovu sporazuma o priznanju krivnje broj: KT-539/09 zaključenog dana 24.06.2010. godine između Tužilaštva BiH i optuženog Smajlović Nermina, zastupanog po braniocu Čelik Kerimu, te sporazuma o priznanju krivnje broj: KT-539/09 zaključenog 02.07.2010. godine između Tužilaštva BiH i optuženog Husarić Elvira, zastupanog po braniocu Beganović Ismetu, u prisustvu tužiteljice Tužilaštva BiH, Uzunović Sene, te optuženih lično i njihovih branilaca Džanić Salčina, Beganović Ismeta i Radušević Safeta, donio je i javno objavio dana 15.10.2010. godine sljedeću:

P R E S U D U

Optuženi:

- 1. Husarić Elvir**, zv. „Husara“, sin Muhameda i majke Emine, rođene Sinanović, rođ. 27.06.1976. godine u Tuzli, nastanjen u Srebreniku, u mjestu Duboki Potok bb, oženjen, otac dvoje maloljetne djece, po zanimanju automehaničar, Bošnjak, državljanin Bosne i Hercegovine, JMBG 2706976183301, lošeg imovnog stanja, osuđivan presudom Suda BiH broj K-62/04 od 09.06.2004. godine zbog krivičnog djela iz člana 215. stav 2. KZ BiH na kaznu zatvora u trajanju od jedne godine, uslovno na tri godine, zatim presudom Općinskog suda Gradačac broj 28 0 K 008 953 09 K od 26.08.2009. godine zbog krivičnog djela iz člana 293. stav 2. KZ FBiH na novčanu kaznu u iznosu od 600 KM, presudom Osnovnog suda Brčko Distrikta BiH broj 096-0-K-09 000378 od 13.11.2009. godine zbog krivičnog djela iz člana 367. stav 2. KZ BD na kaznu zatvora u trajanju od tri mjeseca, uslovno na dvije godine, presudom Kantonalnog suda Tuzla broj 03 O K 001 938 10 Kps od 02.04.2010. godine zbog krivičnog djela iz člana 210. stav 4. KZ FBiH u sticaju sa krivičnim djelom iz člana 52. stav 1. Kantonalnog Zakona o nošenju i držanju oružja i municije, na jedinstvenu kaznu zatvora u trajanju od jedne godine i jednog mjeseca, koju kaznu nije izdržao, ne vodi se postupak za drugo krivično djelo, nalazio se u pritvoru od 08.04.2010. godine po Rješenjima Suda BiH broj: X-KRN-10/918 od 09.04.2010. godine, 05.05.2010. i 05.07.2010. godine, sve do 20.08.2010. godine, kada je pritvor ukinut Rješenjem Suda BiH broj: X-KRN-10/918-1 od 20.08.2010. godine, te optuženom određene mjere zabrane: privremeno oduzimanje svih važećih putnih isprava izdatih na njegovo ime, zabrana izdavanja novih pasoša

na njegovo ime kao i zabrana korištenja lične karte za prelazak državne granice, zabrana posjećivanja određenih mjesta, zabrana sastajanja sa određenim osobama i obaveza povremenog javljanja nadležnom državnom organu,

- 2. Smajlović Nermin**, sin Šemsudina i majke Fadile, rođene Kovačević, rođen 10.12.1976. godine u Tuzli, nastanjen u Lukavcu u Ul. Rudnička bb, opština Lukavac, po zanimanju zavarivač, oženjen, otac jednog malodobnog djeteta, lošeg imovnog stanja, Bošnjak, državljanin Bosne i Hercegovine, JMBG 1012976182679, ne vodi se postupak za drugo krivično djelo, nalazio se u pritvoru od 07.04.2010. godine po Rješenjima Suda BiH broj X-KRN-10/918 od 09.04.2010. i 05.05.2010. godine, do 01.07.2010. godine kada je pritvor ukinut Rješenjem Suda BiH broj X-KRN-10/918 od 01.07.2010.godine, te optuženom određene mjere zabrane: privremeno oduzimanje svih važećih putnih isprava izdatih na njegovo ime, zabrana izdavanja novih pasoša na njegovo ime kao i zabrana korištenja lične karte za prelazak državne granice i zabrana sastajanja sa određenim osobama.

KRIVI SU

Što su:

Husarić Elvir i Smajlović Nermin, zajedno,

Kao pripadnici organizovane grupe ljudi u smislu člana 1. stav 18. KZ BiH, kojoj grupi je pripadalo i više njima poznatih osoba iz BiH, R.Hrvatske, četiri njima poznate osobe iz R.Albanije, te njima poznata osoba pod nadimkom „Kum“ iz Crne Gore, a koja grupa je formirana radi neposrednog izvršenja krivičnog djela neovlaštene međunarodne kupoprodaje, prevoza, posredovanja u daljnjoj međunarodnoj prodaji, slanju i isporuci opojne droge „marihuana-skank“ koja je Konvencijom o psihotropnim supstancama od 1971.godine i Rješenjem o popisu opojnih droga („Službeni list R BIH2,broj 2/02 i 13/94), proglašena opojnom drogom, i čiji promet je zabranjen prema odredbama Zakona o proizvodnji i prometu opojnih droga (Službeni list R. BIH“, broj 2/92 i 13/94) i Zakona o sprečavanju i suzbijanju zloupotrebe opojnih droga („Službeni Glasnik BiH“,broj 8/06), dogovorili, organizovali transport, preuzimanje i prevoz opojne droge „skank“ u količini cca 155 kg iz R.Albanije, preko Crne Gore u Bosnu i Hercegovinu sa krajnjim odredištem u R.Hrvatsku na način da su:

- krajem marta i početkom aprila 2010. godine optuženi Husarić Elvir, po prethodnim dogovorima s njemu poznatom osobom pod nadimkom „Kum“ iz Crne Gore, koji dogovori su realizirani najprije u telefonskom kontaktu optuženog Smajlović Nermina, koji je postupao po uputama Husarić Elvira, s „Kumom“, a potom na sastanku Husarić Elvira i Smajlović Nermina s „Kumom“ na benzinskoj pumpi OMV u Sarajevu dana 20.03.2010.godine, gdje su dogovoreni detalji i način transporta opojne droge, nakon čega su Husarić Elvir i Smajlović Nermin zajedno pristupili realizaciji dogovora o transportu cca. 155 kg opojne droge konoplja – „skank“ iz Albanije u Bosnu i Hercegovinu, sa ciljem transporta iste u R. Hrvatsku i predaje tačno neidentifikovanim kupcima sa područja grada Zagreba, tako što je najprije Husarić Elvir preko poznanika Junuzović Mirsada iz Srebrenika stupio u kontakt sa Matić Žarkom iz Tešnja, koji je putem oglasa prodavao svoje teretno motorno vozilo marke „Iveco“, žute boje, registarskih oznaka 726-T-043, i nakon što je utvrdio da to teretno motorno vozilo posjeduje odgovarajuću licencu za transport roba preko državnih granica, skrivajući stvarni razlog „kupovine“ vozila i uz garantovanje od

strane Junuzović Mirsada kojeg je Matić Žarko poznao od ranije, nagovorio Matić Žarka da produži registraciju vozila koja je isticala, pravdajući takav zahtjev navodnim neplaćanjem doprinosa od strane Husarića, za tu namjenu plativši Matiću novčani iznos od 1000 EUR, što je Matić Žarko i učinio, a sve ovo su optuženi poduzeli s ciljem da se opojna droga „skank“ preveze vučnim vozilom koje formalno nema nikakve veze sa optuženim, nakon čega su Husarić Elvir i Smajlović Nermin, preuzeli navedeno vučno vozilo od Matić Žarka navodno u svrhu probe prije kupovine, da bi dana 05.04.2010. godine na navedeno vučno vozilo, u krugu fabrike obuće u Modriči, prikačili poluprikolicu marke „Krone“ tip SBP 24 registarskih oznaka 259-K-434, koja je formalno u vlasništvu Hamidović Samira iz G. Rahića, općina Brčko, a faktički Bjelić Ramiza iz Srebrenika s kojim je Husarić Elvir ranije bio u poslovnim odnosima, te je ta poluprikolica uz saglasnost Bjelića bila na raspolaganju optuženom Husarić Elviru, a ista je ispod poda imala već ugrađene skrivene prostore – bunkere, za transport ilegalnih roba, što je Husarić Elviru bilo dobro poznato, nakon čega je Smajlović Nermin, po uputi Husarić Elvira, teretno motorno vozilo marke „Iveco“, žute boje, registarskih oznaka 726-T-043 sa poluprikolicom marke „Krone“ tip SBP 24 registarskih oznaka 259-K-434, istog dana odvezao u Staru Bilu gdje je u krugu pilane „M – Kasumović“ d.o.o. Travnik izvršen utovar 36,084 m³ rezane građe za firmu „Roli“, Lač, Albanija, kao robe čiji je transport služio u svrhu prikrivanja stvarne svrhe putovanja u Albaniju – utovara i transporta opojne droge konoplja – a koji transport rezane građe je ugovorio „Kum“, nakon kojeg utovara rezane građe se odvezao na carinski terminal Dolac u Travniku gdje je izvršena carinska procedura, da bi nakon toga nastavio put prema Crnog Gori na čiju teritoriju je ušao preko GP Klobuk dana 06.04.2010. godine u 00,10 sati, i istog dana oko 07,40 sati u Danilovgradu, u kafe baru benzinske pumpe „Euro Petrol“, sastao se sa „Kumom“ u cilju dogovora oko preuzimanja i transporta opojne droge, da bi tog dana oko 09,30 sati prešao u R. Albaniju na GP Božaj, te se nakon istovara građe u Skadru, po prethodnom telefonskom dogovoru, dovezao na lokaciju u blizini grada Skadra, u halu za koju je od ranije znao gdje se nalazi i gdje su tri NN osobe albanske nacionalnosti opojnu drogu dovezle kombijem plave boje, a koja opojna droga je bila smještena u 5 sportskih torbi, nakon čega su istu utovarili u skriveni bunker priključnog vozila za koji su znali gdje se nalazi i kako se otvara, nakon kojeg utovara se Smajlović Nermin kamionom uputio nazad u Crnu Goru gdje se dana 06.04.2010. godine oko 21,40 sati ponovo sastao sa „Kumom“, na benzinskoj pumpi „Euro Petrol“ u Danilovgradu, nakon kojeg sastanka se istim teretnim motornim vozilom uputio na GP Ilino Brdo / GP Klobuk na koji je došao oko 23,00 sata, gdje je od strane ovlaštenih službenih osoba Državne agencije za istrage i zaštitu, RK Tuzla, u skrivenom prostoru – bunkeru pronađeno ukupno 150 pakovanja biljne materije umotane u PVC folije, koja su sadržavala 155,568 kg supstance za koju je vještačenjem utvrđeno da je u pitanju opojna supstanca Cannabis sativa L (konoplja) koja se nalazi pod rednim brojem 13. Tabele 1 – „Zabranjene tvari i biljke“, Liste opojnih droga i čiji je promet zabranjen članom 19. Zakona o suzbijanju i sprečavanju zloupotrebe opojnih droga („Službeni glasnik BiH“, broj 8/06),

Dakle,

Optuženi Husarić Elvir i Smajlović Nermin postali članovi organizovane grupe ljudi, koja je formirana radi međunarodne prodaje, prenosa i isporuke opojne droge, te kao saizvršioци i članovi te grupe dogovorili i realizirali preuzimanje i prevoz, odnosno neovlaštenu međunarodnu kupovinu, prenos i prevoz, ukupno 155,568 kg opojne droge Cannabis sativa L iz Albanije preko Crne Gore u Bosnu i Hercegovinu, odnosno supstanci ili preparata koji su propisima proglašeni opojnim drogama

Čime su:

Kao saizvršiooci, počinili krivično djelo „Neovlašteni promet opojnim drogama“ iz člana 195. stav 2. u vezi sa stavom 1. KZ BiH.

Pa stoga, optuženom Husarić Elviru, Sud na osnovu primjene navedenih zakonskih propisa uz primjenu odredbi iz člana 39, 42. i 48. Krivičnog zakona Bosne i Hercegovine izriče:

KAZNU ZATVORA U TRAJANJU OD TRI (3) GODINE I OSAM (8) MJESECI

Na osnovu primjene zakonskog propisa iz člana 56. KZ BiH, optuženom Husarić Elviru u izrečenu kaznu zatvora uračunava se vrijeme provedeno u pritvoru **od 08.04.2010. godine do 20.08.2010. godine.**

U skladu sa odredbom člana 188. stav 1. ZKP BiH, optuženi Husarić Elvir se obavezuje da naknadi troškove krivičnog postupka, u iznosu od 100,00 KM (stotinukonvertibilnihmaraka), u roku od 30 (trideset) dana od dana pravosnažnosti presude, pod prijetnjom prinudnog izvršenja.

Optuženom Smajlović Nerminu, Sud na osnovu primjene navedenih zakonskih propisa uz primjenu odredbi iz člana 39, 42. i 48. Krivičnog zakona Bosne i Hercegovine izriče:

KAZNU ZATVORA U TRAJANJU OD TRI (3) GODINE

Na osnovu primjene zakonskog propisa iz člana 56. KZ BiH, optuženom Smajlović Nerminu u izrečenu kaznu zatvora uračunava se vrijeme provedeno u pritvoru **od 07.04.2010. godine do 01.07.2010. godine.**

U skladu sa odredbom člana 188. stav 1. ZKP BiH, optuženi Smajlović Nermin se obavezuje da naknadi troškove krivičnog postupka, u iznosu od 100,00 KM (stotinukonvertibilnihmaraka), u roku od 30 (trideset) dana od dana pravosnažnosti presude, pod prijetnjom prinudnog izvršenja.

Primjenom člana 195. stav 4. KZ BiH, od optuženih se oduzima opojna droga i to 155,568 kg opojne droge Cannabis Sativa L, privremeno oduzeta po potvrdama o privremenom oduzimanju predmeta Državne agencije za istrage i zaštitu, RK Tuzla, broj 17-15/1-5-34/10 od 07.04.2010. godine, a koja potiče iz izvršenja krivičnog djela.

O b r a z l o ž e n j e

Tužilaštvo BiH je Optužnicom broj: KT-539/10 od 03.08.2010. godine, optužilo Husarić Elvira i Smajlović Nermina da su počinili krivično djelo neovlašteni promet opojnim drogama iz člana 195. stav 2. u vezi stava 1. KZ BiH.

Optužnica je dostavljena Sudu dana 17.08.2010. godine, te potvrđena dana 20.08.2010. godine.

Dana 24.06.2010. g. optuženi Smajlović Nermin, zastupan po braniocu Čelik Kerimu, je sa Tužilaštvom BiH zaključio Sporazum o priznanju krivnje, broj: KT-539/09, kojim je priznao krivnju za krivično djelo neovlašteni promet opojnim drogama iz člana 195. stav 2. u vezi stava 1. KZ BiH, a po naprijed označenoj optužnici Tužilaštva BiH.

Također, optuženi Husarić Elvir je dana 02.07.2010. godine, zastupan po braniocu Beganović Ismetu, sa Tužilaštvom BiH zaključio Sporazum o priznanju krivnje, broj: KT-539/09, kojim je priznao krivnju za navedeno krivično djelo, a po naprijed označenoj optužnici Tužilaštva BiH.

Navedeni sporazumi o priznanju krivnje su dostavljeni Sudu uz predmetnu optužnicu Tužilaštva BiH.

Sud je, u skladu sa članom 231. ZKP BiH, razmotrio zaključene sporazume o priznanju krivnje, kojim su optuženi priznali krivnju za navedeno krivično djelo.

U sporazumu koji je sa Tužilaštvom zaključio optuženi Husarić Elvir je predloženo da se optuženom za počinjeno krivično djelo neovlašteni promet opojnim drogama iz člana 195. stav 2. u vezi stava 1. KZ BiH, izrekne kazna zatvora u trajanju ne kraćem od 3 (tri) godine i ne dužem od 4 (četiri) godine, dok je u sporazumu koji je zaključio optuženi Smajlović Nermin predloženo da se optuženom za isto krivično djelo izrekne kazna zatvora u trajanju od 3 (tri) godine.

Na pretresu za razmatranje sporazuma o priznanju krivnje održanom dana 15.10.2010. g., Sud je utvrdio da su optuženi sklopili navedene sporazume dobrovoljno, svjesno i sa razumijevanjem, a nakon što su upoznati sa mogućim posljedicama, uključujući i posljedice vezane za moguće imovinsko pravne zahtjeve i troškove krivičnog postupka.

Sud je također utvrdio i da postoji dovoljno dokaza o krivnji optuženih, kao i da su optuženi razumjeli da se na ovaj način odriču prava na suđenje i da ne mogu izjaviti žalbu na krivičnopravnu sankciju koja će im biti izrečena.

Tužilaštvo je na glavnom pretresu i ročištu za ocjenu sporazuma o priznanju krivnje, predočilo dokaze, i to: Naredba za uzorkovanje Tužilaštva BiH broj KT-539/09 od 21.04.2010. godine, Dopis Federalne uprave policije broj 09-14/1-1-04-5-2308 od 28.04.2010. godine, Zapisnik o uzorkovanju Državne agencije za istrage i zaštitu, RK Mostar, broj 17-13/1-7-04-1-150-2/10 od 27.04.2010. godine, Naredba za vještačenje prisutnosti psihoaktivnih supstanci u materiji Tužilaštva BiH broj KT-539/09 od 21.04.2010. godine, Dopis Federalne uprave policije broj 09-14/1-1-04-5-2308 od 30.04.2010. godine, Nalaz i mišljenje Federalne uprave policije, Centar za forenziku i

podršku, broj 09-14/1-1-04-5-2308 od 30.04.2010. godine, Fotodokumentacija Federalne uprave policije broj 09-14/1-1-04-5-2308 od 29.04.2010. godine, Izvještaj o počinjenom krivičnom djelu Državne agencije za istrage i zaštitu, Regionalna kancelarija Tuzla, broj 17-15/1-5-POD/PT-04-1-178/08 od 07.04.2010. godine, Naredba Suda BiH broj KPP-70/09 od 12.02.2010. godine kojom su određene posebne istražne radnje nadzor i tehničko snimanje telekomunikacija (prema Smajlović Nerminu), Dopis Državne agencije za istrage i zaštitu, RK Tuzla, broj 17-15/1-5-POD/PT-04-1-178/08 od 24.02.2010. godine, Naredba Suda BiH za produženje posebne istražne radnje nadzor i tehničko snimanje telekomunikacija broj KPP-70/09 od 03.03.2010. godine (Husarić Elvir i dr.), Naredba Suda BiH za produženje posebne istražne radnje nadzor i tehničko snimanje telekomunikacija broj KPP-70/09 od 10.03.2010. godine (Smajlović Nermin), Dopis Tužilaštva BiH broj KT-539/09 od 23.04.2010. godine, Dopis Državne agencije za istrage i zaštitu broj 17-09/7-04-7-739-1324/09 od 24.05.2010. godine, DVD broj 14 – SEAT 14-2 i SEAT 14-1, DVD broj 15 – SEAT 15-1, DVD broj 16 – SEAT 15-3, Dopis Državne agencije za istrage i zaštitu broj 17-09/7-04-7-739-811/09 od 26.02.2010. godine, Transkript broj 17-09/7-04-7-739-806/09, Transkript broj 17-09/7-04-7-739-807/09, Transkript broj 17-09/7-04-7-739-805/09, Transkript broj 17-09/7-04-7-739-809/09, Transkript broj 17-09/7-04-7-739-810/09, Dopis Državne agencije za istrage i zaštitu broj 17-09/7-04-7-739-904/09 od 03.03.2010. godine, Transkript broj 17-09/7-04-7-739-889/09, Dopis Državne agencije za istrage i zaštitu broj 17-09/7-04-7-739-949/09 od 08.03.2010. godine, Transkript broj 17-09/7-04-7-739-928/09, Dopis Državne agencije za istrage i zaštitu broj 17-09/7-04-7-739-978/09 od 12.03.2010. godine, Transkript broj 17-09/7-04-7-739-974/09, Dopis Državne agencije za istrage i zaštitu broj 17-15/1-5-POD/PT-04-1-178/08 od 30.03.2010. godine, Prijedlog za izdavanje naredbe za sprovođenje posebne istražne radnje tajno praćenje i tehničko snimanje osoba, transportnih sredstava i predmeta koji stoje u vezi s njima Tužilaštva BiH broj KT-539/09 od 31.03.2010. godine (NN vozač kamiona „Iveco“, registarskih oznaka 726-T-043), Naredba Suda BiH za produženje posebne istražne radnje nadzor i tehničko snimanje telekomunikacija broj KPP-70/09 od 31.03.2010. godine, (NN vozač kamiona „Iveco“, registarskih oznaka 726-T-043), Dopis Državne agencije za istrage i zaštitu broj 17-09/7-04-7-739-1066/09 od 29.03.2010. godine, Transkript broj 17-09/7-04-7-739-1062/09, Transkript broj 17-09/7-04-7-739-1063/09, Dopis Državne agencije za istrage i zaštitu broj 17-09/7-04-7-739-1100/09 od 31.03.2010. godine, Transkript broj 17-09/7-04-7-739-1085/09, Transkript broj 17-09/7-04-7-739-1086/09, Transkript broj 17-09/7-04-7-739-1099/09, Transkript broj 17-09/7-04-7-739-1095/09, Transkript broj 17-09/7-04-7-739-1096/09, Transkript broj 17-09/7-04-7-739-1097/09, Transkript broj 17-09/7-04-7-739-1087/09, Naredba Suda BiH za sprovođenje posebne istražne radnje tajno praćenje i tehničko snimanje osoba, transportnih sredstava i predmeta koji stoje u vezi s njima broj KPP-70/09 od 16.03.2010. godine (Smajlović Nermin i dr.), Dopis Državne agencije za istrage i zaštitu broj 17-09/2-04-7-127-9/09 od 24.03.2010. godine, Izvještaj o nadzoru Državne agencije za istrage i zaštitu, Služba za operativnu podršku, Odsjek za operativni i tehnički nadzor, broj 17-09/2-04-7-127-8/09 od 23.03.2010. godine, Izvještaj o kontaktu Državne agencije za istrage i zaštitu, Služba za operativnu podršku, Odsjek za operativni i tehnički nadzor, broj 17-09/2-04-7-127-8-1/09 od 23.03.2010. godine, Izvještaj o kontaktu Državne agencije za istrage i zaštitu, Služba za operativnu podršku, Odsjek za operativni i tehnički nadzor, broj 17-09/2-04-7-127-8-2/09 od 23.03.2010. godine, DVD medij – Prilog uz akt: izvještaj o nadzoru broj 17-09/2-04-7-127-8/09 od 23.03.2010. godine, Dopis Državne agencije za istrage i zaštitu, RK Tuzla, broj 17-15/1-5-POD/PT-04-1-178/08 od 20.04.2010. godine, Službena zabilješka Državne agencije za istrage i zaštitu, RK Tuzla, broj 17-15/1-5- 176/10 od 22.03.2010. godine, Službena zabilješka Državne agencije za istrage i zaštitu, RK Sarajevo, broj 17-14/1-5- 272/10 od 12.04.2010. godine, Dopis

Državne agencije za istrage i zaštitu broj 17-09/7-04-7-739-1264/09 od 22.04.2010. godine, Transkript broj 17-09/7-04-7-739-1248/09, Transkript broj 17-09/7-04-7-739-1240/09, Transkript broj 17-09/7-04-7-739-1249/09, Transkript broj 17-09/7-04-7-739-1229/09, Transkript broj 17-09/7-04-7-739-1257/09, Transkript broj 17-09/7-04-7-739-1258/09, Transkript broj 17-09/7-04-7-739-1259/09, Transkript broj 17-09/7-04-7-739-1260/09, Transkript broj 17-09/7-04-7-739-1263/09, Transkript broj 17-09/7-04-7-739-1261/09, Dopis Državne agencije za istrage i zaštitu broj 17-09/2-04-7-127-17/09 od 13.04.2010. godine, Izvještaj o nadzoru Državne agencije za istrage i zaštitu, Služba za operativnu podršku, Odsjek za operativni i tehnički nadzor, broj 17-09/2-04-1-7-127-13/09 od 09.04.2010. godine, Izvještaj o kontaktu Državne agencije za istrage i zaštitu, Služba za operativnu podršku, Odsjek za operativni i tehnički nadzor, broj 17-09/2-04-1-7-127-13-1/09 od 09.04.2010. godine, DVD medij – Prilog uz akt: Izvještaj o nadzoru broj 17-09/2-04-1-7-127-13/09 od 09.04.2010. godine, Dopis Državne agencije za istrage i zaštitu broj 17-09/7-04-7-739-1307/09 od 28.04.2010. godine, Transkript broj 17-09/7-04-7-739-1273/09, Transkript broj 17-09/7-04-7-739-1274/09, Zahtjev za pružanje pravne pomoći Tužilaštva BiH Vrhovnom državnom tužilaštvu R. Crne Gore broj KT-539/09 od 05.04.2010. godine, Zahtjev za pružanje pravne pomoći Tužilaštva BiH Vrhovnom državnom tužilaštvu R. Crne Gore broj KT-539/09 od 17.03.2010. godine, Dopis Vrhovnog državnog tužilaštva R. Crne Gore broj MTN br. 5/10 od 10.05.2010. godine, Naredba Vrhovnog državnog tužilaštva R. Crne Gore broj MTN br. 5/10 od 05.04.2010. godine, Izvještaj o izvršenju M.T.N. praćenje prevoza i isporuke predmeta krivičnog djela Uprave policije R. Crne Gore broj 03-051/10-SP.1687 od 07.05.2010. godine, DVD medij „Drina“, Dopis Uprave policije R. Crne Gore broj 240/10-1354 od 30.03.2010. godine, Naredba Višeg suda u Podgorici broj M.T.N. br. 5/10 od 19.03.2010. godine, Transkript broj 25035128, Transkript broj 25035173, Transkript broj 25037738, Transkript broj 25042001, Transkript broj 25052082, Transkript broj 25084393, DVD: Jovo 19.03. – 07.05.2010. godine, Naredba Suda BiH za određivanje posebne istražne radnje nadzor i tehničko snimanje telekomunikacija broj KPP-70/09 od 31.03.2010. godine (Husarić Elvir i dr.), Dopis Uprave za indirektno oporezivanje broj 05/4-07-1-419-634/10 MS 44/10 od 08.06.2010. godine, Carinska deklaracija broj AB 0231743 od 07.04.2010. godine, Otpremnica / račun firme „M-Kasumović“ broj 37/10 od 05.04.2010. godine, Izvozna dispozicija firme „M-Kasumović“ broj 106/10 od 05.04.2010. godine, CMR obrazac broj 356457 od 05.04.2010. godine, Službena zabilješka Državne agencije za istrage i zaštitu, Regionalna kancelarija Tuzla, broj 17-15/1-5-176/10 od 22.03.2010. godine, Depeša Policijske uprave Konjic broj 02-02/4-2-275/10 MS od 14.06.2010. godine, Naredba za pretresanje stana, drugih prostorija i pokretnih stvari broj 17-15/1-5-POD-PT-04-1-178/08 od 07.04.2010. godine (Smajlović Nermin), Zapisnik o pretresanju stana, drugih prostorija i pokretnih stvari broj 17-15/1-5-5/10 od 07.04.2010. godine (Smajlović Nermin), Potvrda o privremenom oduzimanju predmeta broj 17-15/1-5-34/10 od 07.04.2010. godine, Dopis Državne agencije za istrage i zaštitu, Regionalna kancelarija Tuzla, broj 17-15/1-5-POD/PT-04-1-178/08 od 22.04.2010. godine, Fotodokumentacija Državne agencije za istrage i zaštitu broj 17-13/1-7-04-1-10/10 od 07.04.2010. godine, Dopis Državne agencije za istrage i zaštitu broj 17-09/7-04-7-739-1322/09 od 07.05.2010. godine, Transkript broj 17-09/7-04-7-739-1308/09, Transkript broj 17-09/7-04-7-739-1310/09, Transkript broj 17-09/7-04-7-739-1313/09, Transkript broj 17-09/7-04-7-739-1311/09, Transkript broj 17-09/7-04-7-739-1314/09, Transkript broj 17-09/7-04-7-739-1317/09, Transkript broj 17-09/7-04-7-739-1315/09, Transkript broj 17-09/7-04-7-739-1316/09, Dopis Federalnog zavoda za PIO / MIO broj FZ 10/2-35-4-4911-01/10 od 08.04.2010. godine, Dopis Policije Brčko Distrikta broj 14.04-04.8-5947/10 od 06.05.2010. godine, Dosije motornog – priključnog vozila registarskih oznaka 259-K-434, Službena zabilješka Državne agencije za

istrage i zaštitu, Regionalna kancelarija Tuzla, broj 17-15/1-5-315/10 od 01.06.2010. godine, Dopis Državne agencije za istrage i zaštitu, Regionalna kancelarija Tuzla, broj 17-15/1-5-POD/PT-04-1-187/08 od 09.07.2010. godine, Fotodokumentacija Državne agencije za istrage i zaštitu broj 17-14/1-7-74/10 od 10.06.2010. godine, Zapisnik o saslušanju svjedoka Matić Žarka Državne agencije za istrage i zaštitu, Regionalna kancelarija Tuzla, broj 17-15/1-5-76/10 od 15.04.2010. godine, i broj KT-539/09 od 17.06.2010. godine, Fotoalbum 539-09-7, Ugovor broj 01/09 između „RDA Company“ d.o.o. Tuzla i Smajlović Nermina od 01.05.2009. godine (fco.), Zapisnik o saslušanju svjedoka Hamidović Samira Državne agencije za istrage i zaštitu, Regionalna kancelarija Tuzla, broj 17-15/1-5-111/10 od 31.05.2010. godine, Zapisnik o saslušanju svjedoka Mihajlović Dušana Državne agencije za istrage i zaštitu, Regionalna kancelarija Tuzla, broj 17-15/1-5-112/10 od 31.05.2010. godine, Zapisnik o saslušanju svjedoka Kuzmanović Ilije Državne agencije za istrage i zaštitu, Regionalna kancelarija Tuzla, broj 17-15/1-5-115/10 od 02.06.2010. godine, Zapisnik o saslušanju svjedoka Bjelić Ramiza Tužilaštva BiH broj KT-539/09 od 08.06.2010. godine, (pod uslovima iz člana 273. stav 1. ZKP BiH, Dopis Državne agencije za istrage i zaštitu, Regionalna kancelarija Tuzla, broj 17-15/1-5-POD/PT-04-1-178/08 od 09.07.2010. godine, Zapisnik o saslušanju svjedoka Kasumović Selvedina Državne agencije za istrage i zaštitu, Regionalna kancelarija Tuzla, broj 17-15/1-5-125/10 od 07.07.2010. godine, Zapisnik o saslušanju svjedoka Smajlović Dževada Državne agencije za istrage i zaštitu, Regionalna kancelarija Tuzla, broj 17-15/1-5-126/10 od 07.07.2010. godine, Dopis MUP-a Tuzlanskog kantona, Policijska uprava Tuzla, broj 08-02/4-1-04.7-3268/10-DS od 30.04.2010. godine (izvod iz kaznene evidencije za Husarić Elvira i Smajlović Nermina), Zapisnik o ispitivanju osumnjičenog Smajlović Nermina broj KT-539/09 od 19.05.2010. godine, Zapisnik o ispitivanju osumnjičenog Husarić Elvira broj KT-539/09 od 29.04.2010. godine.

Na ročištu za izricanje krivično-prave sankcije, tužiteljica Tužilaštva BiH je predložila da se optuženima izreknu predložene kazne, cijeneći da na strani oba optužena postoje olakšavajuće okolnosti, te je za optuženog Husarića istakla da je porodičan, otac 2 mladb.djece, da je saradivao sa Tužilaštvom, te priznao izvršenje krivičnog djela. U odnosu na optuženog Smajlovića Tužilaštvo je istaklo da porodičan čovjek, otac jednog mladb.djeteta, da je saradivao sa Tužilaštvom i priznao krivično djelo. Tužilaštvo je posebno naglasilo da su optuženi saradnjom sa Tužilaštvom znatno olakšali provođenje istrage u predmetu KT-539/09, u kome u još jednom dijelu teče istraga prema drugim licima, te da su se obavezali da će svjedočiti u odnosu na ta lica. Tužilaštvo smatra da će se predloženim kaznama ostvariti kako specijalna, tako i generalna prevencija.

Odbrana optuženog Husarić Elvira je istakla da predlažu adekvatnu kaznu zatvora u trajanju od 3 godine, posebno kada se ima u vidu da je optuženi priznao krivično djelo u cjelosti, kao i način izvršenja djela, zatim da je nadležnom Tužilaštvu iznio činjenice o postojanju drugih krivičnih djela i da je na te činjenice priložio i dokaze. Također odbrana ukazuje na lične prilike optuženog, te da je optuženi već dijelom ispunio svoje obaveze iz sporazuma.

Odbrana optuženog Smajlović Nermina je istakla da se slaže sa navodima Tužilaštva BiH.

Cijeneći navedene dokaze pojedinačno i dovodeći ih u međusobnu vezu, te cijeneći priznanje optuženih, Sud je utvrdio da su optuženi počinili krivično djelo neovlašteni promet

opcjnim drogama iz člana 195. stav 2. u vezi stava 1. KZ BiH, na način kako je to opisano u izreci presude, te je utvrdivši da su ispunjeni svi zakonski uslovi iz člana 231. stav 6. ZKP BiH, prihvatio zaključene sporazume o priznanju krivnje i optužene Husarić Elvira i Smajlović Nermina oglasio krivim.

Sud je primjenom odredbi člana 39, 42. i 48. KZ BiH optuženom Husarić Elviru za predmetno krivično djelo izrekao kaznu zatvora u trajanju od 3 (tri) godine i 8 (osam) mjeseci, pridržavajući se prije svega zakonskog okvira propisane kazne za krivično djelo, kao i saglasnog prijedloga stranaka navedenog u zaključenom sporazumu o priznanju krivnje.

Od olakšavajućih okolnosti na strani optuženog Husarić Elvira Sud je našao da je isti porodična osoba, otac dvoje malodobne djece, da je priznao izvršenje predmetnog krivičnog djela, izrazio svoje kajanje i obećao saradnju sa Tužilaštvom, dok je od otežavajućih okolnosti na strani optuženog Sud našao da se radi o osuđivanoj osobi, i to u više navarata, što je u svojoj sveukupnosti opredijelilo Sud da optuženom izrekne kaznu od 3 godine i 8 mjeseci.

Osim toga, kod odmjeravanja kazne optuženom Husariću Sud je vodio računa o njegovom odlučujućem doprinosu izvršenja predmetnog krivičnog djela, obzirom da je isti organizirao i rukovodio isporukom opojne droge, te da je optuženi Smajlović Nermin upravo postupao po njegovim uputama.

Primjenom odredbi člana 39, 42. i 48. KZ BiH Sud je optuženom Smajlović Nerminu za predmetno krivično djelo izrekao kaznu zatvora u trajanju od 3 (tri) godine, koja kazna predstavlja zakonski minimum kazne za krivično djelo neovlašteni promet opojnih droga iz člana 195. stav 2. u vezi sa stavom 1. KZ BiH, a kako su to stranke i predložile u zaključenom sporazumu o priznanju krivnje.

U odnosu na optuženog Smajlović Nermina, Sud je od olakšavajućih okolnosti našao da je isti porodična osoba, otac jednog malodobnog djeteta, da je priznao izvršenje predmetnog krivičnog djela, izrazio svoje kajanje i obećao saradnju sa Tužilaštvom.

Otežavajućih okolnosti na strani optuženog Smajlović Nermina Sud nije našao.

Odluku u pogledu krivično pravnih sankcija u odnosu na oba optužena Sud je donio cijeneći da je ista srazmjerna težini počinjenog krivičnog djela i stepenu krivične odgovornosti, te cijeneći da će se na taj način ostvariti svrha krivičnopravne sankcije, koja se sastoji u generalnoj i specijalnoj prevenciji tj. preventivnom uticaju na druge da poštuju pravni sistem i ne čine krivična djela odnosno spriječavanje samog učinioca da čini krivična djela.

Na osnovu člana 56. KZ BiH, optuženom Husarić Elviru, Sud je u izrečenu kaznu zatvora uračunao vrijeme koje je proveo u pritvoru od dana lišenja slobode, prema rješenju Suda Bosne i Hercegovine broj: X-KRN-10/918 od 09.04.2010. godine i rješenjima broj: X-KRN-10/918 od 05.05.2010. godine i 05.07.2010. godine, **i to od 08.04.2010. godine do 20.08.2010. godine**, kada je pritvor prema optuženom ukinut rješenjem broj: X-KRN-10/918-1 od 20.08.2010. godine.

Primjenom iste zakonske odredbe, optuženom Smajlović Nerminu, Sud je u izrečenu kaznu zatvora uračunao vrijeme koje je proveo u pritvoru od dana lišenja slobode, prema rješenju Suda Bosne i Hercegovine broj: X-KRN-10/918 od 09.04.2010. godine i rješenju broj: X-KRN-10/918 od 05.05.2010. godine, i to **od 07.04.2010. godine do 01.07.2010. godine**, kada je pritvor prema optuženom ukinut rješenjem broj: X-KRN-10/918-1 od 01.07.2010. godine.

Imajući u vidu da je odredbom člana 195. stav 4. KZ BiH izričito propisano oduzimanje opojne droge, to je Sud od optuženih oduzeo opojnu drogu i to 155,568 kg opojne droge Cannabis Sativa L, koja je privremeno oduzeta po potvdama o privremenom oduzimanju predmeta Državne agencije za istrage i zaštitu, RK Tuzla, broj 17-15/1-5-34/10 od 07.04.2010. godine, a koja potiče iz izvršenja krivičnog djela, a što je u skladu i sa članom 74. stav 1. KZ BiH.

O oduzimanju predmeta – poluprikolice marke „Krone“, tip SBP 24, registarskih oznaka 259-K-434, koja je upotrijebljena prilikom izvršenja predmetnog krivičnog djela, Sud će odlučiti posebnim rješenjem, primjenom odredbe člana 74. KZ BiH.

Takoder Sud je optužene obavezao da plate troškove krivičnog postupka u smislu člana 188. stav 1. ZKP-a BiH, i to u iznosu od po 100,00 KM, na ime sudskog paušala, koji iznos su optuženi dužni platiti na račun Budžeta BiH u roku od 30 (trideset) dana od dana pravosnažnosti presude, pod prijetnjom prinudnog izvršenja, cijeneći da navedeni iznos neće ugroziti egzistenciju optuženih.

ZAPISNIČAR

Pravni savjetnik-asistent

Mirela Gadžo

SUDIJA

Marijanović Anđelko

POUKA O PRAVNOM LIJEKU: Protiv ove presude dozvoljena je žalba vijeću Apelacionog odjeljenja Suda u roku od 15 dana od dana primitka iste. Obzirom da je presuda donesena na osnovu sporazuma o priznanju krivnje, žalba na krivičnopravnu sankciju nije dozvoljena.